

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6- 2516-3/17

Datum: 15.11.2017.godine

OPĆINSKO VIJEĆE TEŠANJ

PREDMET: Odgovor na vijećničko pitanje, dostavlja se-

Na 12.sjednici Općinskog vijeća Tešanj koja je održana 31.10.2017.godine vijećnik Pašić Danijel je postavio sljedeću vijećničku inicijativu:


„Za izmjenu Odluke o provođenju izmjena i dopuna Prostornog plana općine Tešanj:

U članu 42. Odluke, poslije stava 3. Dodati i stav 4 koji glasi: „ Ako na susjednim parcelama postoje već izgrađeni objekti ma udaljenosti manjoj od 1 m, u tom slučaju je moguće udaljenost objekta od granice susjednih parcela utvrditi na način da se zadovolji paritet spram udaljenosti postojećih objekata izgrađenih na susjednim parcelama, ali da streha ne prelazi granicu parcele.“

ODGOVOR:

Nadležna Služba je, prilikom vođenja postupaka za izdavanje urbanističkih saglasnosti i odobrenja za građenje, prepoznala problematiku na terenu a tiče se položaja već izgrađenih objekata u odnosu na susjedne slobodne parcele. Upravo iz tog razloga vodilo se računa da se, prilikom izrade detaljnih planskih dokumenata (regulacionih planova), u posljednjih nekoliko godina, u iste uvrsti odredba koju ste Vi naveli u Vašoj inicijativi. Svakako, ista odredba će se uvrstiti i u Prostorni plan općine Tešanj prilikom njegove izmjene.


OBRADIVAČ:
Služba za katastar, urbanizam
i imovinsko-pravne poslove


NADIR Medarić, dipl. ing. geodezije



OPĆINSKI NAČELNIK


Mr. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2507-2/17
Datum: 08.11.2017.godine

**OPĆINSKI NAČELNIK
O V D J E**

PREDMET: Odgovor na vijećničko pitanje, traži se

Na 12.sjednici Općinskog vijeća Tešanj koja je održana 31.10.2017. godine vijećnik Piro Amir je postavio sljedeće vijećničko pitanje:

„Može li Općina odnosno nadležne općinske službe da utiču na vlasnike objekata u Titovoj ulici u Tešnju da iste izvrše sanaciju oluka ma svojim objektima u navedenoj ulici ukoliko isti ugrožavaju bezbjednost pješaka na bilo koji način?“

Odgovor:


Problem strehe i oluka u Titovoj ulici je nastao izdizanjem kote nivelete ulice u odnosu na poslovne zgrade unazad 60 godina. Privremeno rješenje je postavljaje žardinjere sa cvijećem, izrada obloge od mekog materijala (drveta) i bojenje upadljivom florecentnom bojom. Prilikom provođenja navedenih mjera treba poštivati važeće propise i odluke.

Dostavljeno:

1. Općinsko vijeće,
2. Arhiva.


OBRADIVAČ:


Služba za finansije, privredu, komunalne i
inspeksijske poslove



Hamzaliya Hojkurić dipl.ecc.

PREDLAGAČ:

OPĆINSKI NAČELNIK


Mr. Sc. Suad Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 04-05-6-2506/17
Datum: 14.10.2017. godine

**OPĆINSKO VIJEĆE
TEŠANJ**

PREDMET: Mišljenje na vijećničku inicijativu, d o s t a v l j a s e ;

Na 12.sjednici Općinskog vijeća Tešanj koja je održana 31.10.2017.godine Vijećnik Hrnjić Muris je postavio sljedeću vijećničku inicijativu:

„Iniciramo da se ocrta i odgovarajućim saobraćajnim oznakama označi pješački prelaz u ul. Braće Pabrić (kod zgrade zv.Stara gimnazija).“

Mišljenje

Ulica “Braće Pabrić” se nalazi u dijelu Regionalne ceste R-474 i bilo kakvi radovi na njoj su u nadležnosti kantonalne Direkcije za ceste.

S obzirom da se inicijativa odnosi na probleme bezbjednijeg odvijanja saobraćaja, služba nadležna za poslove saobraćaja inicijativu smatra opravdanom te je u razgovoru sa Direkcijom za ceste ZE-DO kantona dogovorila postavljanje horizontalne i vertikalne signalizacije u tom dijelu regionalne ceste u sezoni 2018.godine.

Dostavljeno:

1. Općinsko vijeće,
2. Arhiva.


OBRADIVAČ:

Služba za finansije, privredu, komunalne i
inspeksijske poslove

Hamzačija Hojkurić dipl.ecc.

**PREDLAGAČ:
OPĆINSKI NAČELNIK**

Mr. Sci. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2509/17

Datum: 15.11.2017. godine

**OPĆINSKO VIJEĆE
O V D J E**

PREDMET: Odgovor na vijećničko pitanje, d o s t a v l j a s e , -

Na 12.sjednici Općinskog vijeća Tešanj koja je održana 31.10.2017.godine vijećnik Muris Hrnjić je postavio vijećničko pitanje koje glasi:

„Dokle je “stigla” procedura vezano za izmjenu “Odluke o zonama sanitarne zaštite bunara DC Kraševo”, s obzirom da je navedena izmjena inicirana u OV Tešanj još 2013. godine?“

ODGOVOR

Razmatrajući donošenje nove Odluke o zonama sanitarne zaštite za "Bunar DC" Kraševo, Općina Tešanj nije imala dovoljno elemenata u dostavljenom Elaboartu o zonama sanitarne zaštite Bunara iz kojih bi bilo nedvojbeno jasno da "Bunar DC" po količini i kvalitetu vode treba da ima prednost u odnosu na javni interes Općine Tešanj na širem lokalitetu MZ Kraševo.


Mogućnost planskog korištenja prostora u mjesnoj zajednici Kraševo u dobroj mjeri je uslovljena izgradnjom autoputa, granicama zone sanitarne zaštite vodovoda/izvorišta Kraševo, izgradnjom uređaja za tretman otpadnih voda pa onda i granicama zone sanitarne zaštite bunara.

U više navrata je konstatovana činjenica da "Bunar DC" Kraševo ima aktuelnu Odluku o zonama sanitarne zaštite broj: 01-338-5/89 od 22.12.1989. godine, koja je na snazi do donošenja drugog dokumenta kojim bi ova Odluka eventualno bila stavljena van snage.

U skladu sa izloženim odbijen se prijedlog Distributivnog Centra Kraševo za donošenje nove odluke o zonama sanitarne zaštite "Bunara DC".

OBRADIVAČ

Služba za finansije, privredu i inspekcije


Hamzaliya Hojkurić, dipl.oec.



OPĆINSKI NAČELNIK


Muad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
Općinska izborna komisija**

Broj:01-05-6-2508-4/17

Datum: 20.11.2017. godine

**OPĆINSKO VIJEĆE
O V D J E**

PREDMET: Odgovor na vijećničko pitanje, d o s t a v l j a s e , -

Na 12.sjednici Općinskog vijeća Tešanj koja je održana 31.10.2017.godine vijećnik Hrnjić Muris je postavio sljedeća vijećnička pitanja:

„Da li je Općinska izborna komisija uradila bilo što po pitanju biračkih spiskova za općinu Tešanj na kojima se nalaze i umrle osobe, odnosno da li su birački spiskovi ažurirani brisanjem takvih osoba sa istih?“

ODGOVOR

U skladu s Izbornim zakonom BiH Centralna izborna komisija BiH je odgovorna za tačnost i ažurnost Centralnog biračkog spiska.

U skladu s članom 3.5 Izbornog zakona BiH nadležni matični uredi u općini koji na osnovu potvrde o smrti vrše upis činjenice smrti u matičnim knjigama umrlih dužni su da nadležnom organu koji vodi službene evidencije o JMB, prebivalištu i boravištu državljanina BiH dostave sve promjene koje utiču na ažurnost Centralnog biračkog spiska u pisanoj formi, putem dostavljanja potvrde o smrti.

Bez obzira na činjenicu da ažuriranje biračkih spiskova nije u direktnoj nadležnosti općinskih izbornih komisija, a imajući u vidu probleme neažurnosti istih na području cijele BiH, Općinska izborna komisija Tešanj se aktivno uključila u koordinirane aktivnosti sa nadležnom općinskom službom u rješavanju navedenog problema.

Aktom broj: 01-15/16 od 19.07.2016.godine OIK Tešanj obratila se nadležnoj općinskoj službi da u saradnji sa Rukovodiocem Centra za birački spisak Tešanj izvrši kontrolu preliminarnih Izvoda iz Centralnog biračkog spiska te organu nadležnom za vođenje službene evidencije o JMBG, prebivalištu i boravištu državljanja BiH dostavi sve promjene koje utiču na ažurnost Centralnog biračkog spiska.

Općina Tešanj je MUP-u Zenica, Sektor za administraciju Tešanj dostavila popis umrlih lica u periodu od 2003. do 2014. godine za matično područje Tešanj, gdje je izvršena revizija elektronskih evidencija sa dostavljenim popisom umrlih lica.

Prilikom revizije, za umrla lica koja su se po dostavljenom popisu vodila kao aktivna odnosno postojala su u evidenciji prebivališta i JMB-a koja su direktno vezana za birački spisak, Sektor za administraciju Tešanj je zatražio od općinskog matičnog ureda dostavljanje potvrda o smrti i izvršio poništenje prebivališta i važećih dokumenata za ista.


Analizirajući predmetne aktivnosti, Općinska izborna komisija Tešanj je konstatovala da se zahvaljujući kvalitetnoj saradnji, koordinaciji te reakciji nadležne općinske službe, Rukovodioca Centra za birački spisak Tešanj i Sektora za administraciju Tešanj MUP Zenica, te zahvaljujući prijavama od strane mjesnih zajednica na području ove Općine, Izvod iz Centralnog biračkog spiska u velikoj mjeri ažurirao.

Naravno treba imati u vidu činjenicu da je ažurnost biračkog spiska u slučaju brisanja umrlih lica stalna aktivnost za čije provođenje su nadležni i matični uredi i nadležni organi koji vode evidenciju o JMB i prebivalištu, svaki u okviru svoje nadležnosti.

OBRADIVAČ

Općinska izborna komisija Tešanj

PREDSJEDNIK OIK


Kanita Gredelj, dipl.pravnik